



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Cap. III. De pignoribus, pactis, pœnis conditionibus, quæ conspectui
sponsalitio possunt vel non possunt apponi.

[urn:nbn:de:hbz:466:1-73973](#)

Quæst. 20. Quid agere debet in foro externo iudex, dum consideratis considerandis omnibus, manet dubium vel ambiguum, num sponsalia vere contracta, seu vera, sit, valeatque promissio matrimonii.

1. **R** Esp. diversimodè, pro ut ambiguitas & dubitatio oritur ex diversis capitibus, & primò quidem, si verba & signa, quibus exprimentur consensus & promissio ex seipsis & communi DD. habeant obscurum & ambiguum sensum, ipseque ea proferens, neget, se ea protulisse aut edidisse intentione promittendi matrimonii, Iudex debet negantem absolvere, seu ab obligatione libertum pronunciare, saltem si copula non intercessit, quia in obscuris minimum (hoc est, quod minus gravat) est sequendum, juxta c. 30. de reg. Jur. in 6. magisque in dubio præsumitur pro libertate, quam pro obligatione, juxta L. 47. ff. de O. & A. ibi: ubi de obligando queritur, propensiones esse debemus nos, si habeamus occasionem ad negandum; ubi de liberando ex adverso queritur, ne facilius simus ad liberandum; & juxta L. quidquid ff. de V. S. ubi: quidquid astringende obligationis causâ dictum est, id, nisi palam verbis exprimatur, omisum intelligendum est: at cerè secundum promissionem interpretamur; quia stipulatori liberum fuit verba late concipere; vel debet Iudex neganti deferre juramentum purgatorium, quod edendo talia signa non habuerit intentionem per ea significandi promissionem matrimonii, quia, cum quilibet sit suorum verborum interpres, in dubiis & ambiguis recursum ad mentem proferentis, eique saltējunt ranti credendum. arg. c. personalis de except. & universaliter, dum de mente & conscientia agitur alicujus, statutu jureamento illius, ut Gl. communiter recepta in c. significasti. de homicid. volunt. v. si ita. Felin. in c. quando de presumpt. num. 6. Gail. L. 7. obs. 48. à num. 24. apud Reiffenst. b. c. num. 45.

2. Secundò: Si verba & signa clara, & ex communi loquendi usu, locique consuetudine, aut communi DD. sponsalia seu promissionem matrimonii significantia; pars autem adversa dicat, se ea non serio, sed ex joco protulisse, Iudex in foro externo præsumere & judicare debet, rem serio actam, & veram promissionem matri-

monii factam; nisi jocus aliunde constet, aut sufficienter probetur, quia generaliter loquendo, dum verba juxta communem usum clarè quid significant, juxta eorum tenorem præsumendum & judicandum. Si vero jocus ita probetur & appareat, ut adhuc maneat ambiguum, num ferio, an jocose actum, deferendum est afferenti juramentum, eique standum juxta paulò ante dicta.

3. Tertiò: Si verba sint clara, proferens vero dicat, aut convincatur prolatæ esse ex dolosa fictione & fraudulenter ad obtainendum usum corporis alterius, nullam in foro externo meretur fidem, nec ad juramentum admitti debet (allegans enim propriam turpitudinem suspectum se reddit & fide indignum, & sic inhabilem ad hoc, ut ei juramentum deferatur) sed juxta externum verborum tenorem judicandus & condemnandus. Quod idem dicendum videtur, & si fictionem (qua tamén dolosa fictio longè difficilius probatur, quam jocus; ut qui plerumque aper- te patet & dignoscitur ex circumstantiis; fictio vero doloso studio absconditur, & ut actus serio & sincere gestus simulatur) in odium & poenam dolosa fictionis.

4. Quartò, si verba aut signa sunt clara & sponsalia, indubitate significant, reus autem absolue negat, se ea protulisse, & pars altera affirmans, ea prolatæ esse, solum semiplene probet, ita ut revera remaneat dubium, num prolatæ, causa decidi debet juramento legis decisivo; cuius dilatio ceteris paribus (dum nimis reus est persona æquè honesta ac actor, & uterque æquè semiplenam sui asserti probationem affert) regulariter potius reo facienda (à quo præstitum juramentum dicitur purgatorium, quia purgatum ab obligatione ei objecta; & juramentum actoris suppletorium, quippe supplens semiplenam probationem ab eo factam) utpote cuius tanquam possidentis seu existentis in possessione sua libertatis, causa est melior; & dum partium jura sunt obscura, potius favendum reo quam auctori, juxta reg. II. juris in d. secus est, si reus est vilis, infamis, de perjurio suspectus, aut etiam persona non legitima, tunc enim juramentum suppletorium deferendum potius auctori, et si sit femina, modò caufam suam prius semiplene probaverit; de quo vide plura L. 2. tit. 24. de jurejurando.

CAPUT III.

De pignoribus, pactis, paenis, conditionibus, quæ contractui sponsalitio possint, vel non pos- sunt apponi.

Quæst. 21. An in contracta sponsalium ob maiorem ejus firmitatem adhiberi possint fideiussores, & apponi pignora.

1. **R** Esp. Ad primum: affirmativè. Castrop. de sponsal. d. I. p. 14. num. I. citatis Sanch. d. 38. n. I. Gutt. de mat. c. 22. hos tamen fideiussores, sicut Castrop. obligari tantum posse ad solvendum

interesse & dañnum, quod ex violatione sponsalium parti innocentí provenit, non tamen ad solvendum paenam, quia juxta §. I. Inst. de fideiuss. & ibi DD. non possunt plus obligari, quam ipsi contrahentes, hi autem obligari non possunt ad paenam juxta dicenda paulò post.

2. Resp. Ad secundum: Tametsi pignora apponi nequeant pro securitate paenæ solvendæ (cum hæ ipsæ apponi nequeant, adeoque jam corruente

princi-

principalis, nempe obligatione ad pœnam, corrue etiam debet accessorum, juxta reg. *accessorium de reg. Jur. in 6.*, nempe appositi pignoris in securitatem pœnae) possunt tamen apponi pro securitate arrharum non tantum, sed & pro interesse, quod amittere potest innocens, vel pro damno ei illato ex fidei violata; cum enim contrahentes sponsalia obligari possint ad solvendum non tantum arrhas promissas, sed & ad interesse & damnum, si quod ex violatione sponsalium emergat, pro maiore certitudine apponi possunt & pignora, non sequitur ac fidejussores; cum id nullo jure prohibeatur. Castrop. l. c. n. 3. quin & ipsæ arrhae expresse traditæ possunt tanquam pignus pro securitate futuri matrimonii, ita ut eas amittat tradens, si culpâ suâ non sequatur matrimonium; eo autem secuto redant ad tradentem. Sanch. l. 1. d. 36. à n. 2. juxta L. 2. c. de spons. ubi: *arrhas sponsaliorum nomine datas defuncto dante jubemus restituimus, nisi causam, ut nuptie non celebrarentur, persona defuncta prabuit.*

Qnæst. 22. An igitur sponsalibus adjici possit pactum expressum à contrahentibus, ut resiliens injustè compensem dampnum emergens ex tali recessu.

Resp. Posse in pactum deduci compensationem damni emergentis innocentis ex tali recessu; non verò lucri exinde eidem cessantis. Castrop. l. c. d. 1. p. 9. n. 10. Sanch. l. 1. d. 30. n. 15. Gutt. de mat. c. 17. n. 14. contra alios putantes posse venire in pactum compensationem, & damni emergentis & lucri cessantis, item contra alios putantes, neque compensationem damni emergentis, neque lucri cessantis posse venire pactum. Ratio primæ partis responsio est, quod resiliens injustè committat injuriam & injustitiam adversus innocentem, adeoque dampnum inde proveniens innocentis (quale v. g. esset, si impensas alias in sponsalibus contrahendis fecisset, vel ob eam causam alia sponsalia, non leviter sibi utilia amisisset) tenetur compensare, etiam seclusa omni pactatione, ergo hoc dampnum resarcendum deduci poterit in pactum; quia non ex pacto, sed ex injustitia violata fidei debetur. Jus autem positivum irritat compensationem alias indebitam; non verò jure natura debitam; ita Castrop. contra quod nihil dici potest, quâm quod hac ratione pactatio illa videatur superflua. Ratio partis alterius est, quod ad lucrum cessans innocentis ex eo v. g. quod sponsus resiliens sit ditissimus; neque alius æquè dives haberi possit, innocens non habeat jus, nisi post contractum matrimonii; adeoque si contrahentes se mutuo obligare possunt ad tale lucrum compensandum, obligarentur ad solvendam pœnam alias indebitam, quæ obligatio à jure positivo annullatur paulo post dicenda.

Qnæst. 23. An sponsalibus adjici possit pactum pœnae solvenda à resiliente.

Resp. Primo in genere: Pœna (intellige, propriæ dicta, id est, quæ ex proprio pecunia, patrimonii vel bonorum diminutione est persolvenda; non verò ea, quæ consistit in acquirendo lucro aliquo, de hac enim agetur *qnæst. seg.*) non potest venire in tale pactum; quia tale pactum prohibetur & annihilatur in c. *gemma mulier. b. t.* ubi Pontifex urgenter istiusmodi pœ-

næ solutionem jubet etiam per censuras compelli ad desistendum urgere, motus ex eo, quod matrimonia debent esse libera. Item à jure civili in L. *fin. de sponsal.* ubi: *si cautio pœnam stipulatio continens fuerit interposita, ex utraque parte nullas vires habebit; cum in contrahendis nuptiis libera potest esse debeat;* & L. *Titia. ff. de V. S.* ubi dicitur, talis stipulatio esse contra bonos mores, & in honorenum videri vinculo pœnae matrimonia obstringi, sive futura, sive contracta.

2. Extenditur responsio primò ita, ut hanc prohibitionem & irritationem non impedit, quod pœna apposita sit levis; quis jura indistinctè prohibent pœnam apponi in sponsalibus, & qualibet pœna, etiam minima, ex se diminuit libertatem requisitam ad matrimonium; & quod, si in aliquo casu ea libertas non minuatur, id sit per accidens, quod jura non attendunt, sed ea, quæ frequenter contingunt, spectant Castrop. l. c. num. 1. Sanch. cit. d. 30. n. 11. Gutt. l. c. n. 5. Pith. b. t. n. 22. cum Abb. in c. *gemma. n. 8.* Covar. 4. *decret. p. 2. c. 3. §. 7. n. 5.*

3. Extenditur secundo; ut irrita quoque sit cuiuslibet pœnae appositi facta à sponsorum cognatis amicis, tutoribus, nisi matrimonium sequatur; eo quod horum dampnum sit etiam dampnum sponsorum, eosque mouere potest ad contrahendum matrimonium. Castrop. l. c. Sanch. l. c. n. 2. Gutt. n. 2. secus esset, si inter extraneos motu proprio, & non ex mandato sponsorum, vel eorumdem parentum pœna apposita esset. AA. iudicem.

4. Extenditur tertio ita, ut, etiamsi adjiciatur juramentum de pœna sponsalibus apposita solvenda, illud nontantum promissionem illam solvendi dictam pœnam non firmet, sed etiam non sit obligatorium; ita tenet Castrop. l. c. n. 6. Sanch. l. 1. d. 32. n. 21. Gutt. c. 17. n. 21. Ponc. L. 12. c. 19. n. 7. contra Molin. de *Jus. Tom. 2. tr. 2. d. 15. 1.* Lessium L. 2. c. 17. du. 7. n. 56. sentientes juramentum illud obligare, et si promissionem illam solvendi pœnam non firmet; eo quod et si promissio illa, utpote prohibita sit peccatum; solutio tamen ipsa prohibita non sit; item contra Cönnick. d. 22. du. 5. n. 25. & alios citatos à Sanch. censentes juramentum illud non tantum obligare ad solutionem, sed etiam firmare promissionem illam solvendi. Verum ratio extensionis, quod ad primam partem est, quod ad firmandum contractum alias nullum & prohibitum necesse est à jure sic dispone illius vitium purgari; quia juramentum de non retractando contractu nullo & prohibito iniquum est, nisi jus ipsum in casu accedens juramenti tollat nullitatem & prohibitionem; sed nullib[us] stante tali juramento inventur à jure sublata prohibitio & nullitas talis promissionis de solvenda illa pœna apposita sponsalibus; ergo juramentum illam promissionem firmare nequit. Ratio extensionis, quod ad secundam partem, nimis quod juramentum illud non sit obligatorium, est, quod jus interdicens promissionem pœnae adjici sponsalibus non tam interdicit promissionem, quam solutionem faciendam; quia non tam promissio, quam solutio adimit libertatem matrimonii; ergo juramentum est de re prohibita & illicita, adeoque obligare nequit; ita ferè Castrop. qui etiam exinde confirmat extensionem, & fundamenta contrariae opinionis diluit, quod solutio pœnae, et si per se mala non sit; quatenus tamen in sponsalibus promissa est, iniqua est ejus solutio, utpote iniquæ promissionis approbatio;

batio; secus accidit in solutione usurarum; quia carum promissio ob redemptionem vexa est valida; item in solutione pecuniae ob patratum homicidium, utpote cuius promissio non per se, sed per accidentem, scilicet ex motione ad peccandum iniqua est, ac proinde sublata iniuritate obligat ad sui executionem, unde mirum non est, juramentum de his pecuniis solvendis esse obligatorium; in Sponsalibus vero pena apposita ratione sui prohibetur, ac proinde neque ejus promissio, neque solutio ultra ratione honestari potest; & sic mirum non est, juramentum de praestanda hac solutione non esse obligatorium, utpote de re prohibita & simpliciter illicita, non obstante, quod haec prohibitio sit tantum à jure positivo, non vero à naturali; adeoque solutio illa sit tantum contra bonos mores civiles, non naturales; idem de promissione solvendi pecuniam amissam ludo verito sentit Castrop. *l.c. num. 7.* illius solutionem illicitam esse, adeoque nec juramento confirmari. Quod vero actinet questionem hinc natam; an recipiens multam pecuniam promissa in Sponsalibus possit eam solutam retinere, relatis aliorum sententias *num. 8.* responderet ipse *num. 9.* cum Gutt. *de mat. c. 17. n. 15. & seq.* sub distinctione nimirum, si resiliens solvat illum, ut sit promissis etiam nullis, sciens eam esse indebitam, recipientem eam posse retinere, quounque ad restitutio[n]em compellatur; quia eo casu non solvit pecunia, quatenus vi promissionis debita, sed donatur promissa, ed quod promissa sit; iura autem non donationem, sed solutionem vi promissionis factam prohibent seu annullant; si vero promittens solvat illum, quia credit se obligatum esse, recipientem nullo modo posse eam retinere, quia nullum habet titulum, ratione cuius possit eam retinere.

s. Limatur è contra responsio ita, ut locum non habeat dicta prohibitio & irritatio in resiliente injustè & per fidem. Castrop. *l. c. n. 3.* (etsi fateatur oppositam sententiam esse communem) citans Cönnick. *d. 22. du. 5. concl. 2. num. 29.* Suar. *Tom. 2. de relig. l. 2. de juram. c. 23. num. 5.* Valq. opuscul. *de testam. c. 3. d. 2. num. 28.* Laym. *l. 5. rr. 10. c. 1. n. 8.* Pontium *de Sponsal.* *l. 12. c. 19. n. 8. &c.* Ratio limitationis est, quod id imprimis non prohibeat jure natura; cum haec pena libertatem matrimonii non impedit, utpote ortum habens ab ipsiusmet contrahentibus, qui le solutioni pena voluntarie subjecerunt; dein jure positivo solum prohibeat apponi talis pena solvenda à justè resiliente; & nullus est textus, quo prohibeat pena imponi injustè resilienti, ut id patet ex *c. gemma;* ubi Sponsalia contracta erant ante septennium, à quibus contrahens poterat licet resilire, ideoque mirum erat, solutione pena obligari seu cogi ad perseverandum in Sponsalibus. Neque etiam ex ratione ita decidendi in *cit. cap. colligi* potest, penam imponi non posse injustè resilienti. Siquidem ratio movens ad prohibendum impositionem pena hic est, ne matrimonio contrahendo adimitur aut minuatur aliqualiter libertas, at ex eo, quod injustè cogitans resilire moveatur solutione pena ad celebrandum matrimonium, non minuitur ejus libertas; quia nulla est libertas licita & honesta, quæ illa pena solutione minuatur; cum compellatur ad id, nempe contrahendum matrimonium, ad quod jam jure naturali ac divino adstrictus est vi sponsalium; adeoque à quo abstinenti nullam amplius habet

R. P. Lenz. Jur. Can. Tomus IV.

potestatem & libertatem (intellige) moralem seu civilem & juridicam, eti physicam habeat, quam, ne peccaminose exerat resilendo, cohabet illa solutione pena; unde tamen non magis destituitur libertate requisita ad contrahendum validè matrimonium, quam is, qui ob illatam mulieri injuriam per deflorationem tenetur eam ducere, vel gravem summam pecuniae dotis loco ei persolvere, dum perterritus & cohibus illa pecunia solvenda eam ducit; quorum contrarium est in eo, qui ex justa causa posset resilire, adeoque habet libertatem licitam seu moralem non contrahendi matrimonium, quam proinde coartari illa impositione vetant jura. Quin & posse probatur à Castrop. *cit. p. 9. n. 3.* limitatio ex eo, quod teste Sanch. *l. 1. d. 30. n. 9.* Gutt. *c. 17. n. 7. & 8.* apud eundem licitum sit penam apponere contractui sponsalitio; ne coniugio concubinam habeat; ne absque legitima causa divortium faciat; quia haec appositiio cedit in favorem matrimonii promissi. Sed neque limitationi contraria est *l. fin. de Sponsal.* nam postquam in ea statuisse Imperator, ut, si tantum unus ex sponsis tradat arrhas in pignus securuti matrimonii, & culpâ recipientis illas non sequatur matrimonium, hic teneatur in duplum (nimirum arrhas restituere, & tantundem de suo patrimonio) immo (si inter partes conventum sit) triplum & quadruplum, si culpabiliter resiliens sit major 25. annis; si autem minor, satisfaciat solum restituendo arrhas; statim subjungit: extra definitionem autem leg. bujus cautio penam stipulationis continens, vires nullas habebit: si nimirum continet penam ultra quadruplum arrhae, de qua immediate prius egerat, ut ibid. gl. ergo per hanc legem non reprobatur omnis cautio pena; sed potius habilitur, & solum reprobatur excessus ultra quadruplum. Sed neque contraria est *l. Titia.* cum in ea aliud nihil dicatur, quam quod non teneat pena, de qua persolvenda parentes insciis liberis pacto Sponsalibus adjecto convenient; ed quod is non debeat aliunde injici necessitas matrimonii contrahendi, in quam ipsi non consenserunt; adeoque hac lege non reprobatur pactum penae persolvendæ ab injustè resiliente, si ipsi liberi in eam consenserunt, dum nimirum ipsi vel eorum parentes ipsis consentientibus de ea pactum inierunt. Cui proinde legi non derogat, quin potius limitationem nostram stabilis Leo Imperator in novell. 18. cuius verba utiliter leges apud Castrop. dum ibidem, ne Sponsalia sursum deorsum ferantur, hoc est, facilimè solvantur ob nimis levem iacturam solius arrhae faciendam à resiliente, consuetudinem illam solvendi insuper penam gravorem ex pacto Sponsalibus adjecto, in vim legis attolit, & pro vera lege observari vult.

Quest. 24. an pena constitens in lucro non acquirendo (adeoque minus propriæ pena) adjici possit Sponsalibus.

1. R Esp. primo: haec pena constituta ab uno contrahentibus, V.G. promittendo; si mihi nupferis, tantum tibi dabo: nisi id fiat ex rationabili causa, est nulla; quia præsumitur facta affectu libidinis, ideoque reprobata à jure, *l. si stipularis fuerit, ff. de V. S. Sanch. l. 1. d. 33. n. 3.* Gutt. *de mat. c. 20. n. 2.* Castrop. *p. 10. n. 1.* Secus est, si fiat ex rationabili causa, ut deciditur exprelse c. de illis. de condit. apposit., qualiter facta sensetur

tur ex rationabili causa, si fiat à fæmina; quia facta presumitur in dotem, vel si fiat à viro sene vel ignobiliora pueræ nobilitori; quia censetur factam recompensationem juventutis vel nobilitatis. AA. idem, apud quos ut & Baldum. cit. l. ita si stipularis fuerit; pro certo habetur, promissione factam à viro fæminæ causâ donationis propter nuptias validam esse; quia non est donatio gratuita, sed renunciatoria dotis recepta, ut habetur l. si constante. c. de donat. ante nuptias.

2. Resp. secundò: Valida est promissio ab alienis facta contrahentibus de lucro acquirendo, si nubant; cum hæc non sit pena, sed præmium matrimonium contrahentibus propositum, Sanch. l. c. n. 6. Gutt. n. 4. Castrop. n. 4 & apud hunc Mantic, de conject. ult. vol. II. tit. 18. n. 1. Molin. de primogen. l. 2. c. 13. à n. 1. Atque ita valida erit donatio vel legatio hereditatis Titia, si Cajo nubat, Castrop. l. c. Sanch. n. 7. Gutt. n. 5. Quin & valebit talis institutio heredis, tametsi Caju, cui nuptura Titia, sit illius consanguineus intra quartam gradum, adeoque egens dispensatione pontificia obtentu facilis. Idque non tantum, ut vult Sanch. l. 8. d. 5. n. 19. Et 26. si testator dispensationis meminerit, sed etiam, ut Castrop. n. 5. Molin. l. c. Gutt. c. 26. n. 6. ubi nulla facta illius mentio; & quod præsumendum sit eam velle: cum credendum non sit, testatorem velle, ut Titia nubat Cajo contra juris ordinem, vel ut sua institutio caduca fiat: In casu vero, ubi testator minuit dispensationis, & hæc impetratur difficultima. V. G. in secundo gradu consanguinitatis, conditionem illam, utpote fermè impossibilem, rejiciendam & legatum purum subsistere censem Molin. l. c. n. 12. Henr. l. 12. de mat. c. 10. n. 4. Reckius sentiunt contrarium Sanch. l. 5. d. 5. n. 20. Gutt. c. 20. n. 7. quibus inhætere viderit Castrop. n. 5. & quod licet ista dispensatio obtentu sit difficultis, non tamen sit absolute impossibilis, cum tæpe concessa. Quod si tamen dicta conditio: si nubas Cajo; apponatur legitimæ vel aliæ debite hereditati, rejicienda est; cum, quod libere debitem est, nequeat gravari: Mantic. l. c. n. 11. Molin. l. c. n. 4. Sanch. cit. d. 33. num. 10. Gutt. c. 29. n. 8. Castrop. n. 6. juxta l. in prioribus c. de inoff. testam. Idem est, si nuptia esent indignæ heredi vel legatario; & quod ob difficultatem gravem, quam paucus eset legatarius in ea conditione implenda, jus etiam, ut impossibilem rejicit. l. cum ita legatur. ff. de condit. Et demonstrat. nisi tamen mulier, cui hoc gravamen imponitur, sit vidua; & quod illa, eti non teneatur nubere indigno, non teneatur tamen à nuptia abstinere, si velit frui legato; quia in illa dispositione includuntur duo. Primum expressè, ut nubat indigno, quod rejicitur. Alterum tacitè, ut nemini alteri nubat, quod in viduo vel vidua sustineri potest; ita tenent Sanch. Gutt. Castrop. LL. cit. Quod si etiam legatum fiat virginis; si nubat Cajo: ex eo non fieri illud caducum, si ea nubat alteti ex iussu paterno; & quod conditio illa sic intelligenda erat, quatenus decenter & honestè impleri potest; decens autem non sit, ut virgo alicui nubat contra voluntatem patris, sustinet Sanch. cit. d. 33. n. 15. Gutt. c. 20. n. 11. Molin. c. 13. num. 22. Mantic. l. c. 11. 18. in fine apud Castrop.

2. Plures hujusmodi casus resolutos ex Sanch. à n. 14. & Gutt. c. 20. à n. 12. Vide apud Castrop. à num. 8. quorum aliquos, compendio subjungo. Primus: dum legatum (idem est de hereditate)

relictum sub conditione; ut nubas nobilis; si satisfit huic dispositioni, & consequenter amittitur legatum, si ducas nobilem, & dein factus viduus ducas ignobilem; & quod finis talis dispositionis, ne scilicet hereditas ad ignobile deveniat, procedit æquè in secundo matrimonio, dum æquè in eo liberò procreati possint Sanch. l. c. num. 14. Gutt. c. 4. num. 22. Castrop. l. c. p. 10. num. 8. Mantic. n. 3.

3. Secundus: Gravatus ducere aliquam, si requisitus renuit, amittit legatum, ita ut, etiamsi peneitate cum recuperare illud non possit, si legans voluit ipso facto privari non volentem acquisescere dispositioni, illudque applicatur successoris. Secus, si non voluit actu privatum; & quod tunc, quia nemini adhuc jus quantum, & res est integra, sit locus penitentie. Sanch. n. 15. Gutt. n. 13. Castrop. n. 9. cum Palaez, de majorat. p. 1. q. 50. n. 13.

4. Tertius: Hæres vel legatarius gravatus ducere Titiam, amittit hereditatem vel legatum, si aliam duxerit, etiamsi dein factus viduus velit ducere Titiam; quia dispositio illa intelligitur de primis nuptiis, non de secundis, nisi tamen hereditas vel legatum dilatum est pro tempore viduitatis. Molin. n. 16. Sanch. n. 17. Gutt. n. 15. Castrop. n. 10. Quin & si in hoc casu tempore illo viduitatis Titia nubat alteri, legatarius ille non amittit legatum; neque etiam Titiam factam viduam tenerit ducere AA. idem.

5. Quartus. Legatarius gravatus ducere Titiam, si postquam ea primò renuit, dein annuat, nolit eam tunc ducere, legatum non amittit; quia conditio habetur pro impleta, si dictus legatarius tempore quo Titia ducenda erat, & hac renuit, nuplit alteri vel legatum adit, vel si non adit, legatum est non quantitatis, nempe pecuniae, tritici; sed speciei nempe domus vel fundus. Si vero, nec nuplit, nec legatum adit, nec illud est speciei, perdit legatum, si Titia denuo consentiente, ipse abnuat; quia in hoc casu omnia sunt integra; ita Sanch. n. 18. cum Mantic. à n. 38. & Menoch. de presump. l. 4. presump. 103. à n. 3. apud Castrop. num. 11.

6. Quintus: Hæres vel legatarius gravatus ducere Titiam, ea requisita renuente, non amittit hereditatem vel legatum; Eo quod talis videatur gravari ad matrimonium contrahendum, non absoluè, sed sub conditione, si Titia consenserit adeoque eam renuente, cessare gravamen, & conditio reperitur impleta per l. 1. c. de insuffl. Et subfl. Molin. n. 14. Mantic. n. 37. Menoch. l. c. num. 25. Sanch. n. 19. Et 20. Gutt. n. 8. apud Castrop. n. 12. Idque licet Titia non expresse reculer, sed virtualiter, apponendo malitiæ impedimentum, ne à gravato requiratur ad nuptias. Molin. Sanch. Gutt. LL. cit. ita tamen, ut gravatus protestationem suæ intentionis ex mandato Judicis præstare debeat ad domum ipsius mulieris, ejusque consanguineis notam facere, ut de mulieris malitia & de gravati diligentia constet. AA. idem. Illud hic notandum cum Sanch. n. 21. Gutt. num. 19. & alii communiter, quod prædicta solùm procedant in ultimis voluntatibus, quarum favore introductum cit. l. 1. & aliis, ut dispositio conditio concitat impleta, quoties per gravatum non fecit gravaminis executio; non vero in contractibus irrevocabilibus inter vivos; sed in his necessariò conditio in specifica forma si implenda, alias donatum deficiat, nisi aliud à donante exprimitur.

matur. Nihilominus ait Castrop. n. 13. remittens ad Molin. quod et si hæc sit sententia communis, & secundum illam consulendum, probabile tamen satis sit, & æquitati non parum conforme, donatarium, cui donatum conceditur sub conditione dependente ab alterius voluntate, retinere posse donatum, si per ipsum non stetit conditionis adimplatio; & eò quod subintelligendum sit, donatum concedi sub conditione non impossibili, sed possibili, & rationabili, adeoque quatenus à donatario dependet.

7. Sextus. Dum Titia sit legatum sub hac forma: lego Titia, si Caius cum ea contraheret: & Caius recuset, inspicendum est, cujus favore testator voluerit matrimonium contrahi. Si id factum favore Titia, obtinebit legatum; Secus, si favore Caii, Sanch. n. 22. Gutt. n. 20. quae sequitur Castrop. n. 14.

8. Septimus. Si alicui fiat legatum, vel donatio, ut faciat contrahere aliquid certum matrimonium, & is etiam omni diligentia efficere id nequivet, non obtainere legatum, eò quod hæc non sit pena, sed præmium propositum, quod non censetur oblatum, nisi effectu fecuto, sentiunt Sanch. n. 23. Gutt. n. 21. credit nihilominus Castrop. cit. n. 14. talen posse retinere legatum; quia secundum dicta in ultimis voluntatibus censetur impleta conditio, quoties is, cui imposita, non est in culpa exequendi illam; Secus vero esse quoad donatum; quia in donationibus istiusmodi conditionatis ex communi sententia non spectatur diligentia, sed effectus securus.

9. Octavus. Dum conditio pendens à plurium voluntate deficit, v. g. si Titia instituta hæ res vel legataria, si nubat Cajo, & Caius moriatur, deberi hæreditatem vel legatum Titia; non vero, si ipsa moriatur Titia, deberiejus hæredibus, tradit Molin. Jefuita de fust. tr. 2. d. 206. & 207. apud Castrop. n. 15. verum, ut apud eundem Molin. Jurista l. c. à n. 23. Mantic. n. 37. Menoch. præfump. 183. num. 40. & 41. Sanch. num. 24. Gutt. n. 22. & habet communis in utroque casu perire hæreditatem & legatum concessum sub conditione nuptiarum, ut habetur L. legatum c. de conditionib. insert. nisi suppleatur conditio à jure, uti contingit, dum ex malitia pars non gravata nuptias recusat. Cujus sententia tamen plutes vide limitationes apud Castrop.

10. Nonus. Legatum relictum determinatæ personæ, si matrimonium contrahat, conceditur eidem, si matrimonium spirituale ineat ingrediendo religionem. Covar. L. i. var. c. 19. n. 10. Menoch. L. 3. præfump. 148. an. 13. Gutt. n. 27. & l. 1. 29. can. n. 20. Sanch. n. 29. Molin. Jesuita l. c. d. 707. concl. 1. Castrop. n. 18. juxta expressam decisionem, §. sed & hoc præfensi. anh. de sanctiss. Episc. collat. 9. & anh. nisi rogati. eod. ad Senat. Consult. Trebell. cuius resolutionis ait Castrop. frivolum esse rationem, quam tradunt aliqui, nimirum quod hac ratione præcludatur via statui perfectionis; eò quod viam illam non præcludat, eis statutum matrimonii, quod bonum est, foveat; cum puella possit relicta legato amplecti religionem, & nemo obligetur bona sua in opera perfectione exponere, sed sufficiat expendere in opus honestum, quale est dotare pueras pauperes. Proinde aliud hujus resolutionis est fundamentum, nempe prælumptio juris de voluntate testatoris, qui creditur in legato facto determinata personæ in matrimonium collocandæ, solum speciale, quod tali personæ utile est, collocando

earum statu decente, qualis status utilis illi, & decens est religio. Extenditur quoque resolutio, ut legatum relictum certa personæ, ut in matrimonium collocetur, illi obveniat, et si tempore conditi testamenti nupta esset, ne dispositio testatoris irrita censeatur. Sanch. n. 32. Gutt. n. 28. Tiraq. de caus. cœfante. limit. 8. n. 4. apud Castrop. n. 20. Secus tamen est, si legatum relictum persona determinata, non simpliciter, ut matrimonium contrahat, sed expresse, ut illud contrahat cum determinata persona; eo ipso enim satis exprimit, se velle matrimonium carnale, Castrop. cit. n. 18. adeoque etiam, ut idem, si persona illa, cui nubere debebat, jam obierat, antequam ipse esset in mora, necessariò debebit nubere, si legato frui velit; quia id in casu non conceditur ob vitam celibem, sed ob matrimonium, Nihilominus frui adhuc posset legato ex prælumpia in eo casu testatoris voluntate, si religionem ingredieretur. Siquidem cum ceſaverit matrimonium, cum determinata persona contrahendum, & solum relinquatur obligatio matrimonii contrahendi, edit præsumptio juris, velle testatorem tam ad nuptias spirituales, quam carnales concedere legatum. Ita Castrop. de cætero legatum relictum non personæ determinata, sed indefinitè pueris maritandis, obvenire nequit pueris ingredientibus religionem; eò quod Anh. de sanctiss. Episc. collat. 9. solum est de legato relicto certa personæ; adeoque trahi non debeat ad legatum incertis personis relictum; cum sit dispositio exorbitans à jure communī, quod exigit conditiones in forma specifica & propria non facta impleri. L. Mevinus. & l. qui hæred. ff. de condit. & demonst. religio autem, non propriè, sed juris fictione vocetur matrimonium. Sanch. n. 29. Gutt. n. 27. Mantic. n. 26. &c. Secus tamen adhuc est, dum legatum relictum indefinitè pro pueris consanguineis testatoris, ita ut hæ religionem ingressa illud obtineant; eò quod in hoc casu propter affectionem testatoris legatum recipiat latam interpretationem. l. Aurelius ff. de liber. legat. cœnturque ac si factum determinata personæ, Castrop. n. 19. Sanch. n. 32. Gutt. cit. n. 22. Mantic. l. 8. de conject. ult. volunt. tit. 5. n. 22.

Quest. 25. An pena lucri non acquirendi retrahens à nuptiis validè adjici possit legato vel donationi.

1. R Esp. primò. Pena hec in ultimis voluntatibus apposita ei, qui nunquam matrimonium contraxit, & consummavit, haec v. g. ratione: instituo te hæredem, vel lego tantum, ne in eas matrimonium; est nulla, remanetque hæreditas & legatum relictum subiecti conditione purum, exclusa illa conditione, seu dicta pénâ tanquam impossibilis pena enim illa, ut contra bono communis reipublicæ, cui expedit filiorum procreatione ex legitimo matrimonio augeri, reprobaretur à jure. l. 2. c. de indicta viduit. tollend. Conditiones autem à jure reprobatae impossibile reputantur, l. conditiones que contra bonos mores ff. de conditionib. institut.) Sanch. l. 1. d. 34. à n. 2. Gutt. de mar. c. 21. à n. 1. Castrop. p. 11. n. 1. juxta quod expressè habetur, l. quoties. l. cum tale. l. Titia si non nupserit. ff. de condit. & demonst. & §. impossibilis. inst. de hæred. inst. Nisi tamen forte favore libertatis dicta conditio fuisset adjecta. Sic v. g. dum legantur Titia 100. ne nubat, & si nupserit, applicantur ad concedendam servo aliqui libertatem, tenet conditio, & Titia nubens amittit legatum; illud que servo applicatur ex l. ff. Titio. ff. de condit. & demonst. Idem est de favore pia cauæ, ut si legentur Titia 100. ne nubat, & si nupserit, applicentur paupe-

pauperibus alterius loco pio. Prout ex cit. L. dandum
Tiraq. deprivil. pia causa. privileg. 18. Sanch.
cit. d. 38. n. 34. Mantic. de conject. ultim. volunt. l.
11. tit. 18. n. 8. Gutt. c. 21. nn. 36. apud Castrop.
n. 10. Nihilominus tamen etiam sustinenda est condi-
tio prohibens nuptias pro aliquo determinato
tempore, modò id non sit ita longum, ut eo trans-
acto commode matrimonium initi non possit, alias
enim est prohibitione absolute, & perpetua. Sanch.
n. 6. Gutt. n. 37. Mantic. tit. 19. n. 9. Castrop. nn.
18. qui etiam adjicit hanc rationem; quod, cum
nuptiae non sint nisi consolitè celebrandæ; meritò
jus permittat pro aliquo tempore illis interdicì; ne
absque matura deliberatione fiant. De cætero,
quod tempus sit moderatum, relinquitur Judici
arbitrandum. Sanch. Gutt. Castrop. II. cit. Illud
certum, prohibitionem nuptiarum usque ad æatem
25. annorum justam esse; quia ea dilatio jure ap-
probata. AA. iidem.

2. Resp. secundò: dicta conditio, seu pena
apposita ex contractu irrevocabili inter vivos ei,
qui nunquam matrimonium contraxit, & consum-
mavit, non excludit à contractu, sed eum omni-
no viat. Castrop. num. 2. dicens id omnino rece-
ptum esse, Arg. §. si impossibilis. institut. de mutilib.
stipul. ubi: Si conditio impossibilis obligationibus adi-
ciatur, nihil valet stipulatio. Item l. non solum ff. de
alition. & oblig. l. si super impossibili. ff. de fidejuss.
Ratio autem, cur dicta pena in modum conditionis
adjecta ultimis voluntatibus ab eis excludatur,
apposita verò contractibus ab eis non excludatur,
relicto in valore suo contractus, sed cum viciet, seu faciat
nullum, hæc assignatur à Castrop. l.c. ne alias
dispositio testatoris, quam ipse, utpote non amplius
superstes, emendare non poterat, corrueret;
promittens vero & donans, utpote post contractum
suum superstes, emendare illum possit, jura nolu-
erunt contractum talem sustinere rejecta conditione,
sed potius voluerunt eum nullum esse, ut integrè à
contrahente emendaretur.

3. Dixi signanter in utraque response: ei,
qui nunquam matrimonium contraxit, & consum-
mavit: Nam si viduus aut vidua esset, cui apponitur
ea conditio non nubendi, ea non secluditur, sed
est exequenda. Idque attento jure novo authentica-
rum, quo jus antiquum digestorum corrigitur, ut
constat ex amb. de nuptiis. §. que verò. collat. 4. &
amb. cui relictum. c. de inducta viduit. honestum
enim est à secundis nuptiis abstinere, c. fin. 30. q. 1.
tum ne videatur indulgeri voluptati; tum ne prior
conjugi videatur minus æstimari. Ac ita docent Molin.
de Jus. tr. 2. d. 257. Sanch. l. i. d. 34. à n. 79.
Gutt. de matr. c. 21. an. 32. apud Castrop. n. 10.

4. Ex dictis deducuntur sequentia. Primo,
posse aliquem hæreditatem vel legatum relictum sub
conditione non nubendi adire, tametsi primò & ite-
radò nubat; èo quid esto, obligari quis possit, ne
secundas nuptias ineat, at cùm ex modo & forma,
quà apponitur dicta conditio, nuptiæ illi interdicantur,
conditio illa ut turpis & impossibilis rejicitur,
& legatum purum subsistit. Gutt. n. 8. Sanch. n. 5.
Acostain cit. l. cùm tale. §. & arbitriau. limit. ul. n.
5. Castrop. p. I. n. 2. Secundò rejici illam conditio-
nem, dum legatur scemina non nubenti major quanti-
tas quā nubentis, quia excessus retrahit à nupsiis, &
est expressè contra l. Titiæ si nupserit. ff. de condit. &
demonst. Sanch. n. 6. Covat. l. i. var. c. 19. n. 9. Ca-
strop. n. 2. Tertiò: si legatum sic factum: lego Ti-
tiæ 100. si non nupserit; quod si nupserit, restituat
Cajo; Titiæ nubentem posse retinere legatum;

quia est conditio retrahens à nuptiis, idque re-
probata, Sanch. n. 9. Gutt. n. 11. Castrop. n. 4. jux-
ta L. quories. ff. de condit. & demonst. Quartò: Le-
gatum factum alius tertio hac conditione: Si Titiæ
non nupserit, Titiæ nubente legatarius amittit le-
gatum, si fuerit Titiæ conjunctus sanguine, affini-
tate, amicitia alio modo, ita ut meritò pre-
sumi possit, Titiæ exinde retrahendam à nuptiis.
Secus, si non fuerit illi conjunctus. Sanch. nn. 10.
Gutt. n. 12. Castrop. n. 5. Quintò rejici condi-
tione, & remanere purum legatum factum sub condi-
tione ex alterius consentu & arbitrio, l. cùm tale.
ff. de condit. & demonst. cùm vel sic diminuat li-
bertas matrimonii, & legatarius terrahtur à nuptiis;
cùm alter ille posset denegare solum consentium in
eam personam, quæ legatario placet. Molin. de
primogen. l. 13. n. 35. Sanch. an. 19. Castrop. n. 6.
Secus esset, si legatum factum sub conditio peten-
tendi consilium; quia ad hoc sequendum non a-
stringitur legatarius. Molin. nn. 37. Sanch. nn. 24.
quid & his, à quo petendum consilium, sit ab-
sens, & periculum in mora, aliaque vi peti ne-
queat consilium illius, posse legatarium contrahe-
re matrimonium irrequisito consilio, & obtinere
legatum; quia per ipsum non stetit executio condi-
tionis, docet Sanch. à n. 25. Gutt. n. 24. tenet
que id ipsum, si vivo testatore decedat is, à quo pe-
tendum consilium, Sanch. n. 27. Gutt. n. 30. Castrop.
l.c. de cætero extendit hæc illatio ita, ut etiam si
legans expresterit voluntatem suam verbis negativis,
privantibus hæredatibus vel legato eum, qui absque
consensu alterius designati (eriam parentum, quo-
rum consensum requiri si honestissimum, noluit
tamen jus in favorem libertatis matrimonii testato-
ribus concedere potestatem imponendi eam obliga-
tionem suis hæredibus & legatariis) nupserit, ad-
huc legatarius obrinat legatum; cùm conditio illa
ex te, & non ex addita expressè privatione hæredi-
tatis vel legati, minuat libertatem matrimonii, &
retrahat à nupsiis; ergo si impliciter apposita rej-
icitur à legato, rejiciens quoque est ab eo apposita
expressè hæreditatis privatione. Castrop. n. 8. cito-
tis Molin. num. 35. & Molin. Jesuita tr. 2. d. 207.
Sanch. n. 21. Henr. l. i. de matr. c. 12. n. 6. con-
tra Gutt. à n. 18. & alios. Non obstante huic exten-
sioni, quod, ut admittit Castrop. hæres vel legatarii
obligari possit sub privatione hæreditatis vel
legati ab nubendis certæ personæ absque eo, quod
per hoc retrahatur à nuptiis; quia non est parratio
de obligatione nubendi ex alterius consensu; cùm is
vi hujus dispositionis non cogatur ad præstandum
consensum, eis officio Judicis suppleri possit. Sex-
tò denique rejici conditio: Si non procreaverit
liberos, seu sine liberis deceaserit. Nam gratia
procreandæ solobis rejicitur conditio avertens à ma-
trimonio, adeoque multò magis avertens directè à
procreatione liberorum. Sanch. num. 7. Gutt.
num. 9.

Quæst. 26. Num valida sit conditio appo-
sta in ultima voluntate, vel contra-
dictu inter vivos retrahens à nuptiis
spiritualibus, hoc est, statu Cleri-
cali vel religioso.

R esp. affirmativè, Castrop. cit. p. 11. n. 12. &
apud hunc Molin. de Jus. tr. 2. d. 207. ad fi-
nem. Sanch. l. i. d. 34. n. 11. Gutt. de matr. c. 21. n.
14. conditions enim apposita in contractibus & ulti-
mis voluntatibus licita & honesta sunt exequendas
quam-

quamdiu à jure non reprobantur; talis autem est dicta conditio; quia eo fine non apponitur, ut legatarium vel donatum à statu ecclesiastico vel religioso retrahat; sed ut familia conservetur, & res publica solum procreatione augeatur; & nullibi reperitur à jure reprobata; esto enim in *cit.* *Ambent.* de *Sanctiss.* *Epscop.* matrimonio aquiparetur religio, id tamen extra illum casum specialem, de quo ibi, non est extendendum; cum à jure communi exorbiter, argumentum à matrimonio carnali ad spirituale valet, dum in utroque adest finis legis, & dispositio nemini praedicit; in presenti autem, conditio retrahens à matrimonio carnali ideo rejicitur, quia obstat procreationi liberorum, & auctioni reipublicae praedicit; qui finis non procedit in matrimonio spirituali. Unde jam etiam deducunt citati AA, validam & observandam esse dispositionem, quā pater legat filia 200, si nupsevit, & non nisi 100, si religionem ingrediatur; quia hæc dispositio non sit animo avertendi filiam à religione, sed quia ad onera matrimonii portanda pluribus eget;

Quest. 27. Num rejici debeat conditio incundi matrimonium spirituale seu ingrediendi religionem adiecto legato vel hereditate.

R Esp. Negativè, *Sanch.* l. I. d. 33. num. 15. Molin. cit. d. 207. Covat. l. I. var. c. 19. num. 10. Ant. Gomez. var. c. 12. num. 78. Castrop. cit. p. 11. num. 13. contra Riminald. *conf.* 215. à num. 176. Bartol. *conf.* 45. quia licet religio sit status excludens omnino nuptias, id tamen testator per se & directè non intendit, sed solum incitare ad statum religionis perfectissimum; textus autem reprobantes conditionem retrahentem à nuptiis loquuntur de retractatione per se & directa, ut videtur est in *I. quoties.* l. cum *tale.* l. *Tutia.* ff. de *condit.* & *demonst.* Verum num hæres vel legatarius ingrediens religionem animo perseverandi, si postmodum egrediatur ex novitatu, satisfaciat huius conditioni, non convenient AA, negat Paulus in *I.* si quis heredita. c. de *suffit.* & *Instit.* num. 3. Alex. *ibid.* num. 2. & in *I.* in *suffititione,* ff. de *vulgari.* num. 12. & *ibid.* *Imol.* n. 4. et quod testatoris intentio esse videatur, ut legatarius assumat statum religionis firmiter & perseverantem, siue verus religiosus. Contrarium tamen probabilius censet Castrop. n. 15. et quod, si testator restringere volueret intentionem suam ad perseverandum in religione, id exprimere debuisset, & non ut verbis generalibus usitatis & communibus, nempe ingrediendi religionem, vel fieri religiosum, quæ juxta communem loquendi modum (qui in legibus & dispositionibus ultimatum voluntatum spectandum est) satis verificantur per assumptionem habitus religiosi; neque enim prælendum est testator disponere contra juris ordinem; neque verba in alia strictiore significatione sumere, quam à jure communi sumuntur. Confirmat hæc à simili Castrop. dum juxta D. Thom. 2. 2. q. ult. a. 4. & communem satisfici voto ingrediendi religionem, si animo perseverandi quis egrediatur, tametsi postmodum exeat, modò id fiat ex rationabili causa; et quod talis vovens intelligatur vovere religionis ingressum, qualis est à jure præsumptus cum libertate egrediendi, si religio displiceat.

Quest. 28. An suffitat conditio sub privatione hereditatis vel legati, si nubat extra familiam vel oppidum, vel ne nubat ignobili aut descendenti ex Iudeis.

R Esp. Affirmativè. Castrop. p. 11. n. 17. citatis Molin. d. 207. circa finem. *Sanch.* l. I. d. 34. num. 39. Gutt. c. 21. num. 40. & 41. &c. juxta l. cum ita, & seq. ff. de *condit.* & *demonst.* ubi deciditur: esto, quod ad personas, quibus cum contrahendum matrimonium, restringatur portestas, absolute tamen non restringitur, cum liberum sit virginis, cui prohibitoris alii nubere, & absque gravi difficultate id præstare potest. Adhæc ut Castrop. conditio retrahens à nuptiis rejicitur ab ultimis voluntatibus, non jure naturali, sed positivo; jus autem positivum rejicit conditionem absolutè retrahentem à nuptiis, non vetò retrahentem à nuptiis singularibus & determinatis; cuius etiam est ratio, quod ex absoluta prohibitione nuptiarum impedit solum procreatio & reipublicæ augmentum, sed non ex prohibitione aliquarum nuptiarum; quin etiam prohibitio specialium nuptiarum utilis esse potest testatori; non vero absolute quarumcunque. Porro procedit responsio, non solum de primis nuptiis, sed & de secundis & reliquis nuptiis; quippe in omnibus est eadem ratio, ne nimis testatoris bona ad extraneos, vel sanguine infectos devenant. Gutt. num. 41. *Sanch.* l. o. num. 34. Castrop. num. 17. proceditque item, modò matrimonium sit validum, ello, non sit consummatum; cum satis sit potuisse consummari. AA, iudicem.

Quest. 29. An & qualiter conditions aliae adiectæ contractui sponsalitio eundem videntur.

1. R Esp. primò: Conditio necessariò futura. V. G. si sol cæs oriatur i adjecta sponsalibus æquè relinquit ea valida, ac si nulla conditio adiecta esset; Ratione enim necessitatis reputatur quod ad obligationem, acsi juri evenisset. §. conditio. *Instit.* de *V. O.* ubi t. qua enim per rerum naturam sunt certa, non morantur obligationem &c. suspendit nihilominus executionem sponsalium, quæ sit per initium matrimonium, donec re ipsa eveniat, & ideo prius non obligaris ea sponsalia exequi, Castrop. p. 16. num. 2.

2. R Esp. secundò: Conditio impossibilis vitiat contractum sponsalium; turpis vero suspendit illum, quo usque ponatur. Castrop. num. 4. citatis Rebell. l. 2. de *marit.* q. 10. f. 5. Pont. l. 2. de *sponsal.* c. 7. n. 3. contra *Sanch.* l. 5. d. 17. n. 2. & alios apud illum censentes, conditions tam turpes quam impossibilis, sicut excluduntur à matrimonio seu in favorem illius, habentur pro non adiectis, sic etiam habere se respectu sponsalium, ut pote quæ via sunt ad matrimonium. Ratio responsionis est, quod jure naturæ conditio impossibilis vitiet contractum, turpis vero illius obligationem suspendat; hoc autem jus naturæ correctum, non est in sponsalibus, sed in matrimonio, in c. fin. de *condit.* apposit. ex eo autem, quod correctum sit in matrimonio, non magis lequitur, quod correctum etiam sit in sponsalibus,

quām ex eo ; quōd matrimonium clandestinum redditum sit invalidum jure novo , sequatur, idem dicendum de sponsalibus clandestinis, l. oratio, ratio verō probans dispositum de matrimonio, dispositum quoque esse de sponsalibus, solum obtinet, ubi in utroque est eadem ratio. V. G. in personis inhabilibus ad contrahendum matrimonium, dum h̄c etiam contrahere nequeunt sponsalia.

3. Resp. tertio: Conditiones possibiles & honestae adjici possunt sponsalibus. Tametsi autem contra-etus ille, quousque conditio eveniat non constituit sponsalia; quia non inducit obligationem contrahendi matrimonii; inducit tamen absolutam obligationem exspectandi conditionis eventum, proinde si interea sponsalia absoluta contrahantur, hac nulla sunt, quia obligationi obstant. Sanch. l. 5. d. 8. Pontius l. 12. c. 7. n. 1. Castrop. p. 16. n. 5. Cönnick. d. 29. du. I. n. 21.

Quæst. 30. An impediti contrahere sponsalia sub hac conditione: si Papa dispensaverit; ea contrahere possint.

1. R Esp. Quamvis sententiam negativam probabilem dicat Castrop. affirmativam tamen tanquam veriorem amplectitur, citatis pro ea Cönnick ubi ante concil. 5. n. 18. Pont. l. 3. de matr. l. 15. n. 2. Sanch. cit. d. 5. à n. 12. Rebell. l. 2. de mat. q. 10. f. 6. Ratio est, quia talis conditio est possibilis (contra quod sentiunt plures apud Sanch. n. 5. cōd quod, quæ à voluntate Principis pendent, censeantur quasi impossibilia, l. 1. l. stipulatio. l. continuus. ff. de V. O.) & est honesta (contra quod sentit Henrīq. l. 12. de mat. c. 10. n. 4. cōd quod cā posita juri communi derogetur, quod servare honestius, quam in eo dispensationem procurare) illud enim reputandum est honestum & possibile, quod sēpē honestē fieri solet; sed posita causā legitimā, sēpē solet, quandoque debet dispensare Papa in impedimento matrimonii, Confinatur à simili: votum factum ab Episcopo ingrediendi religionem, si Papa dispensaverit, est validum; litigantes super beneficio, licet paciscuntur de pensione concedenda, si Papa permisit. Neque primò obstant citatae paulo ante leges; quia intelligendæ sunt, quōd conditio illa reputetur turpis, quando non adest causa legitima dispensandi, vel etiam impossibilis, quando in ea Princeps non solet dispensare. Neque secundū, l. inter stipulantem. ff. de V. O. ubi, quōd nulla sit stipulatio de re sacra, publica, vel de hominē liberō, et si res sacra fieri potest profana, publica, privata, homo liber servus; quia stipulatio non secundum tempus futurum, sed secundū tempus præsens est mensuranda; nam stipulatio talis conditionata: si res sacra fiat profana, sive stipulatio talis relata in tempus, quo fiat profana, tanquam turpis annullatur à jure; quia est conditio inciviliis, tristis, derogans dignitati & statui hominis liberi, rei sacræ, publicæ, ideoque potius timenda quām exspectanda, secus ac res se habet in conditione dispensationis in impedimento matrimonii.

2. Verū circa talem contractum notanda sunt sequentia: Primò nemini extaliter contrahentibus licitum esse resilire, neque ante, neque post impletam dispensationem, Castrop. l. c.

n. 10. Sanch. l. c. d. 5. n. 13. Pont. l. c. 13. n. 21. contra Gutt. l. 1. q. 99. can. c. 22. à n. 17. Rodriq. tr. 1. c. 244. n. 9. siquidem contrahentes sub conditione sibi invicem obligantur ad rem promissam non absoluē, sed dependenter à conditione; sed si unnsquisque eorum pro libitu resilire posset ab obligatione, sibi invicem obligati non essent: Neque his obstat, (quod est fundamentum contrariae sententiae) quōd impuberes contrahentes obligantur, & licet durante impubertate non possint resilire, possint tamen id nacta pubertate: nam id non jure naturæ, sed à jure positivo favore ætatis concessum. Secundū ante impletam conditionem contractum illum non esse sponsalia; quia non est obligatio absoluta & directa matrimonii contrahendi; quod necessariò ad sponsalium valorem, ex quibus oritur impedimentum publicæ honestatis, requiritur, ut deciditur c. 1. b. t. in 6. Castrop. num. 11. Tertiò adveniente conditione, opus non est novo consensu, sed consensu & contractus prior jam evadens absolutus constituit vera sponsalia; cum obligatio conditionata conditione positâ transeat in absolutam. Castrop. l. c. Pont. l. 3. c. 14. n. 7. Cönnick. d. 29. d. 1. n. 2. Sanch. l. c. num. 24. contra Henrīq. l. 12. de mat. c. 13. in fine. Quartò dispensationem illam communibus sumptibus procurandam (nisi forte pars una expresa se obligaverit) quia negotium commune est. Sanch. n. 37. Cönnick. l. c. Castrop. n. 12. Quinto, d. cetero eum, qui promisit confanguineæ matrimonium sub dicta conditione, si Papa dispensaverit, teneri eam procurare, tenet Tabren. V. Sponsalia q. 8. num. 9. Armill. n. 11. Pet. Ledesma. de mat. d. 5. q. 6. num. 36. quos refert & sequitur Sanch. num. 36. cōd quōd matrimonium illud cum perfici nequeat sine dispensatione, promittens illud, tacitè promittat, qua ad illius conditionem sunt necessaria. Contrarium nimurum nullam esse obligationem procurandi dispensationem, & quidem, etiam sub dicta promissione matrimonii violata sit virgo, tenet Castrop. cit. num. 12. citatis Nav. l. 4. confit. de sponsal. cons. 25. Cönnick. du. 2. num. 35. cōd quōd posito, quōd non promitterit quis procurare dispensationem, ad eam procurandam obligari nequit, nisi quatenus se obligavit ad contrahendum matrimonium; ad illud autem se non obligavit absolutè, sed posita dispensatione, quam procurare non promisit; non secus ac qui promisit matrimonium sub conditione; si patet consensu, non exinde tenetur procurare patris consensu, sed is eum procuret, cuius interest. Addit tamen Castrop. quōd, si quis promittens puella matrimonium, dixerit, se facilè impleturum consensum, & sub ea spe puerella defloratione consensit, teneri illum dispensationem (eis non solis suis sumptibus) procurare; quia eo casu tacitè vel potius expresa eam procreationem promisit, ut Cönnick. n. 35.

Quæst. 31. An valeat pactum sponsalibus adjectum, quod virteneatur in certo loco commorari.

1. R Esp. primò: Si pactum tale sit de commemoratione in certo loco pro determinato tempore, licet apponitur contractum sponsalium quām matrimonii; quia obligatio permanendi in aliquo loco pro aliquo determinato tempore ob

ob honestam causam assumpta ex propria voluntate libertati naturali contraria non est. Castrop. l.c. p. 15. §. 2. n. 1. dicens esse ferd communem.

2. Relip. secundò si verò sit de habitatione perpetua; Dinus, Bart. Bald. Alberic. in l. *Tit. centum.* §. eodem ff. de condit. & demonst. & plures alii apud Castrop. l.c. n. 2. censent esse invalidum, & pñnam impositam non servant non debet. E contra validum esse tale pactum, probabilius tenent Castrop. n. 3. citatis additionat. ad Bartol. in cit. l. *Tit. centum.* Host. in sum. de coning. servor. n. 5. Sylv. v. uxor. q. 8. Rebuff. de privil. Scholast. privil. 77. in fine. Pont. l. 12. de Sponsal. c. ult. n. 3. & 8. Gutt. de mat. c. 23. n. 25. Sanch. d. 40. à n. 2. Tale enim pactum non reprobatur jure positivo, ut constabit ex mox dicendis; quin approbatur l. cùm scimus. c. de agricol. & censuit; ubi deciditur, possit quemvis se efficiere colonum adscriptum obligatum fundi culturae perperuo insistere, neque inde sine licentiā domini recedere. Neque repugnat juri naturæ; quia non admittit libertas, et si aliqualiter restringatur, quæ restrictio propria voluntate admissa est licita, & honestatur ob traditam sibi uxorem, & bonum, quod inde accipit, sicut honestarū obligatio, quam moniales contrahunt manendi in certo monasterio; quin & est matrimonio favorabilis, dum unius domicilii electio & retentio individuam & inseparabilem conjugii vitam fovet; & esto, uxor viro subdita sit, illumque constituentem sibi domicilium sequi teneatur, potest tamen vir ipse obligare se uxori, quod extra talēm locum domicilium non constituer, cùm nulla in hac obligations sit turpitudo; præsertim cùm unusquisque possit rem propriam tradere sub conditione, quæ sibi placet. l. in traditionib. ff. de pactis. c. verum, de condit. apposit. approband. quæ sit talis conditio habitandi in aliquo loco, dum exigitur ab eo, qui in eam personam, à qua exigitur, jus aliquod habet vel habiturus est, ut uxor jus in maritum habet, & sponsa in sponsum habitura est. Neque his obstar cit. l. *Tit. centum.* ubi dicitur: *Tit. centum.* reličia sunt ita, ut de monumento meo non recedat; vel in illa civitate domicilium habeat, dici potest non esse locum conditioni, per quam jus libertatis infringitur &c. Nam id verum est, seu rejicienda à Legato est conditio, quando eidem vnde & utiliter apponitur; lecus, quando justè, utiliter & in favorem alicuius statuitur, ut contingit in præsente, dum cedit conditio in maximum uxoris favorem, ne patria deserter & consanguineis relictis cogatur inter extraneos vivere. Gutt. c. 23. n. 15. Sanch. l.c. Acoſta. l. 2. ſelectar. interpret. c. 19. num. 5. Castrop. n. 10. qui etiam ibidem ex eodem Acoſt. notat, diversa eſſe legare 100. Trīo sub conditione, quod in tali loco habitet, & legare ei, dum in tali oppido fuerit; & in priori rejici conditionem, legato ſubſtente, si in nullius favorem cedat ista conditio, utpote quæ ſervitutis ſpeciem contineat; in ſecundo verò retineri conditionem, eti in nullius favorem cedat; & quod non gravetur legatarius ob legatum ad

onus ſuſtinendum, ſed ſpe legati obtinendi allicitur ad portandum onus.

3. Ex dictis deducuntur ſequentia; primò, poſſe ſimiliter apponi paſtum non ingrediendi talem vel talem urbem, eò quod abſtinere ab ingresso civitatis, ex quo oriſt poſſunt iixæ aliae gravia incommoda, honestum eſt, & reipublicæ conveniens, adeoque ad hoc obligari quis poſteſt. Castro, l.c. n. 12. Pont. l. 12. de mat. c. 20. n. 9. ſecundò tamē pñna appofita Sponsalibus pro eorum ſecuritate reprobeatur c. gemma. h.t. non tamen ea, quæ apponitur in matrimonii favorem, & ob mutuam conjugum cohabitatiohem; adeoque, ſi ſob aliqua pñna obligetur maritus ad non mutandum domicilium, teneat eum eam ſolvere interveniente ſententia, Castrop. n. 4. citatis Abb. in c. 1. qui matrim. accus. poſt. n. 5. Alex. n. 6. Pone. c. 20. n. 8. Sanch. l. 3. d. 40. num. 5. Gutt. c. 23. n. 16. Tertiò uxorem non obligari ſic diſcendentem maritum comitari; cùm pactum hoc eo fine, præcipue ne uxor cogatur relinquare patriam, parentes, consanguineos, quod durum eſt, adjectum ſit. Castrop. n. 6. Sanch. num. 6. Gutt. n. 18. Quaridò, maritum diſcedentem inuſtè à loco promiſſo poſſe ab uxore vindicari, ut in loco promiſſo demoretur, quia uxor infert injuriam eam inuſtè deferendo. Gutt. l.c. Castrop. n. 5. & apud illum ali.

4. Porrò num maritus obligationi ſuſtatiſiat ſolvendo uxorū interelle, eti in loco promiſſo non habitet, in eo non conveniunt AA. Covat. 4. decret. p. 2. c. 7. n. 5. Gutt. l.c. & phares alii affirman, eò quod promittens f. & cum, ſi ſolvat, quod interest promiſſari, ab obligatione liberaetur. l. in ſtipulationib. l. ſtipulationis. de V. O. Nihilominus contrarium ientit Castrop. num. 8. cum Pont. l.c. n. 7. eò quod optimè quis poſſit obligari ad factum præciſe, ut Gutt. de juram. confirmator. p. 1. c. 39. n. 5. dicta autem obligationis manendi in loco promiſſo eſt juri naturali conformis; eti etiam Jure civili permitta. l. juris gratiā ff. de pactis, & Jure canonico approbata; c. qualiter. de pactis; lape enim pacienti interest factum, quo calu, ut Bald. in l. cum precibus, c. de rerum permut. n. 1. latifieri non poſt tolutione pecunia uxorū pacienti, ne maritus ex tati loco diſcedat, quia omnibus diſtitis habitacionem mariti in eo loco præfert.

5. De cætero hucusque dicta procedunt, modò non emerget cauſa nova mutandi domicilii; V.G. quia locus ſanitatis mariti eſt nimis noxius, vel in eo capitales inimicitias cothraxit; quia tunc non tenetur itare promiſſis etiam juramento firmatis, absque illa obligatio ſolvendi pñnam aut interelle. Pont. n. 8. Sanch. d. 40. n. 3. Gutt. c. 28. n. 17. Tiraq. lege connub. gl. 1. p. 1. n. 39. Castrop. n. 9. Uxor verò obligatut tunc comitari virum in iis eventibus, in quibus eſſe obligata, ſi pactum non intercessiſſet; quia dictum factum, cum ceflet, diminuere nequit obligationem uxoris,

Castrop. l.c. cum Gutt.
num. 19.

Caput